

天師世傳志跋

道先天地本無名也後彊而名之曰道道果
何物也其即太極矣乎太極動而陽靜而
陰故一陰一陽之謂道天由之生地由之成
物由之形人由之行而道固不外乎人也人
豈可外人而求諸道哉必求諸無名之先
斯可得其真矣無大而大吾心有以函之
無高而高吾心有以參之無顯而顯吾心
有以藏之無幽而幽吾心有以闡之渾々手
淪々手心即道也道即心也推之而無不
準感之而無不應至妙至妙者歟按張氏
宗留侯號天師者基漢文景歷晉唐宋
元迨我

聖朝嗣四十八代矣亦累

朝之眷而崇封謚之榮豈偶然之所

良由祖天師偕嗣師世之心無名之道利

有道之化玄風一振萬禳咸崇早則雨之

滂則止之河則翕之潮則平之瘳則拯之妖

則除之誓則臧之此固天也彼則心代天意

口代天言手代天子身代天事先天而天

弗違後天而能奉天者其存

聖躬而壽皇圖寧社稷而和神人有功於

朝廷至矣有功於天下萬世至矣書曰懋

懋賞傳世之顯宜哉舊制未備無徵故

也茲沿其舊而新之是豈不刊之典故歟

賜進士第中奉大夫

南京工部侍郎致政安孫張爾山跋

龍虎山大上清宮護勅

皇帝勅諭官員軍民諸色人等

朕惟

玄元之教其來尚矣肆我

祖宗朝以來所在崇奉有隆無替江西龍
虎山之大上清宮自漢迄今供奉香火
祝壽福民之所但年歲久遠慮恐無知
之徒肆行欺毀攪擾侵損近詠本宮提
點張元明具奏事下禮部題請茲特降
護勅禁約凡一應官員軍民諸色人等
敢有不遵勅旨仍前侵慢作踐者必罪
不宥故諭

勅

命

嘉靖二十二年十月十三日

寶

臣類伏讀

勅諭仰觀

皇上敬

天勤民之心惟恐不逮而其名山奉祠祀者若非得人豈不有負

聖恩於萬萬者矣龍虎山大上清宮肇自

漢天師祠祀之始盛於宋元繼我

朝褒封崇重於昔有加設提點提舉總

理宮事重給方印授六品朝望令最

隨同

嗣教大真人宣經祝讚弘治間見忤

當道違例僉差供饋過往日擾無虛

況濩宮燬于火產沒于役幾有不振

嘉靖丙戌前提點張定漢乞

恩蓋造殿宇嘉靖壬辰提舉陶隱賢乞

恩照舊免差俱蒙

俞允宮殿差官蓋造錢糧舊例

南京一處上納雜泛差徭悉行蠲免
時遇邵文卿為宮副端楷有為宮因
以給今提點張元明悵煩冗未節又
見轄於有司艱於久立嘉靖戊戌奏
復安仁被占田糧二十四石嘉靖癸
卯重將更給印信降式行移裁革供
饋以盡祈祝頌降

龍虎志卷上
護勅以來道場奏蒙

准下禮部題請本宮係是祝延

聖壽之所乞降

護勅合無俯從恭竢

命下行移翰林院撰給但

恩典出自

朝廷伏乞

聖裁奉

聖旨僉充廟夫禁約供饋等項行江西撫
巡查虔護勅准他欽此蒙行江西撫
巡將行移照依成化年間與縣平關
供饋照舊裁革湊題蒙
准如奏幸際明時不有
皇上之至聖而恩曷被於下若非元明之
留心而情豈達於

上風雲慶會千載一期者也

國祚宮祠興

天地同乎悠久

天章教典興一

日月同乎光輝因請筆之梓繡并志之端
使千載之下有隆無替欽哉是辭如
新拜

命臣金谿朱頴再拜謹跋

嘉靖二十三年十二月二十日甲申之吉

龍虎山志總題卷上

卷之上

山水

山 峯 岩 石 洞 井

市 鎮 寨 橋 渡 池

溪

官府

龍虎山大上清正一萬壽宮

神德宮廢

元成宮廢

仙源宮

法院三十六

觀四十五

庵一十七

道院一十二

寺一十

正一嗣教大真人府

卷之

真人府

天師世傳 并

封謚

卷之中

各宮觀

道侶行實 并

禁勅

卷之

詩歌詞賦 并

鶴歸亭詩

卷之下

歷代碑記

南唐

勅建信州龍虎山張天師廟碑

宋元

貴玄恩真洞天碑 上清宮重修天師殿記

重修靖通庵記 上清正一宮碑

上清宮新建牌門記 雄石鎮跋

雄石鎮本末記 先天觀記

勅建大上清正一宮碑 天一池記

真風殿記 重建天師家廟演法觀記

龍虎山大上清宮重修三清殿壇樓三門碑

勅建大上清正一宮碑 疑真觀記

勅賜大宗師張公碑 勅賜河圖仙壇碑

國朝

重修上清宮碑 正一玄壇題名記

重修真人府碑

龍虎山志總目

正一嗣教大真人府

大真人一員世襲正二品掌天下道教事

世傳玉印一顆

幕職 贊教二員宣德間加二員

知事四員 掌書二名

宋給銀印行移上下品如舊

元給銀印 品如舊

國朝給銀印 品如舊 永樂間賜金印

加賜大玉印

龍虎山志卷上

嘉靖間賜掌法仙卿銀印 都功銀印

龍虎山正一玄壇大上清宮

提點一員正六品提舉一員從六品

從

宮保送一

真人府咨送禮部考試轉送吏部題選給憑如職

副宮一員 上座二 監齋一 直歲一

掌籍一 書記一 監臨二 知事二

知書一 知庫一

龍虎山志表

臣全節言皇慶二年三月辛巳臣全節詣集賢院言信州路龍虎山前奉

勅重作大上清正一萬壽宮成有

旨以其圖來上臣全節謹以封上山圖請具錄爲志太

保臣曲出集賢院大學士臣邦寧以聞

勅翰林院侍講學士臣明善編述龍虎山志志成以授

臣全節者臣全節竊惟茲山邈在江左實神明之

都宅人物之興區道德之家發蹟自漢以世相授

承流至今然而傳聞異辭紀載無法雖有名勝隱

鬱弗宣風氣之宜理若有待臣全節誠惶誠恐稽

首頓首

皇帝陛下有相之道無爲而成曰清淨以臨民本玄元

之爲教自

祖宗繼承之際蓋上下四十餘年

嗣天師臣與材子弟父兄傳緒者三世大宗師臣留

孫出入禁闥近承

恩者四朝施及微臣嗣陪秘祝香火華之盛衣冠

章綬之榮推恩上及其私親錫命旁加其子弟其

爲榮寵可謂至矣而

聖眷深重欲其傳遠與山無窮乃因圖上於新宮爰
更脩於別東詞臣泐筆方冊成書雲漢昭回衣被
草木雷風鼓舞發揮山川乘之久長信在金石夫
周官職方之載泛及於方隅漢家封禪之書徒詳
於祠禱未若斯志專而不誣臣全節感激遭逢誓
言報稱幸經於

皇覽得截副於名山益振玄風少裨至治其龍虎山志
三卷謹繕寫裝成四冊隨表上進臣黷犯

宸嚴無任惶懼激切屏營之至臣全節誠惶誠懼稽首
頓首謹言

龍虎山志卷上 十四

延祐元年四月 日玄教嗣師總攝江淮荆襄等

處道教

崇文弘道玄德真人臣吳全節上表

山水事蹟表

天地之氣交而生萬物易之泰天居上者今其氣下降地居下者今其氣上昇故上下交而為泰萬物生君子進二氣相交之効也天下名山大川往往顯而不墜者三光五嶽之氣交萃一區隆然若構者山蜿蜒若抱者水神靈產聖哲生為軒天地事業以匡時顯後莫非是氣之所為龍虎山啓乎漢隆乎宋大盛乎元而至我

國朝輝光益著尤為得氣之厚因續先正所錄故班固西漢書為山水表以章其未錄後之君子繼而葺之庶重不朽云

勅授贊教杉山周召書

龍虎山誌卷之上

賜進士第中奉太夫南京工部侍郎致政安仁張鉞校正
恩典冠帶生員安仁雲峯李仁應元編次

山

龍虎山即上清宮龍蟠虎抱故名焉西有演法觀舊名
龍虎山按信州圖志在上清宮西去二十里仙岩之
上天下福地第三十有九祖天師居是煉龍虎大丹
時有青龍白虎馴繞其上因是得名今正一玄壇仍
曰龍虎山導山自建寧導水自邵武東距信州二百
里北距饒州三百里

龍虎山誌卷上

十六

象山在宮東二十里峻極高出諸山又名應天山其形
類象因名山頂平坦有田園池塘宋陸子靜讀書其
上學者因號象山先生十八代天師張元居其中四
十年山多虎人莫敢造惟三元日下山授錄每大風
雨山下人常見乘黑虎往來諸峯間繙經石黑龍井
碧蓮池在上構三庵崇釋教

臺山在宮北五里巍然高峙爲宮後障上有禪寺

競姑山在宮東南二十里競姑脩道其上第尋至半巔
姑以步到移第疑其下山去遂名其山曰摸空穴後
居民結庵以祀早年人率童女績麻獻齋以禱則雨

上有石如人坐目爲白石夫人炎疫嗣續禱則有
西華山在宮西五里舊名覆船山宣德間澹然真人建
祠于頂以祀浮立主郭三仙

雲臺山與藐姑山相峙唐葉天師煉丹其上基址今存
塵湖山與雲臺山相聯頂有湖世傳葉天師所開

徵君山在宮南二十里十七代天師象中結庵以居累
徵不起因有是名有梧竹塘七星峯白鶴塢今存

西山在宮西十里南塘司徒薛忠提兵分鎮于是

大夫山在宮南十五里張宗師父信國文簡公之居面
焉里人相傳張氏受一官山必一石墜大官大石墜

小則小墜

十七

石鉢山在仁神鄉高二十餘丈頂有坎如盂冬夏不竭
鬼谷山去宮東南六十里所謂天下第十五洞天貴玄
思真是也有蘇秦臺張儀井或云昔鬼谷王訓於此
脩仙張儀蘇秦於此受道及有孫臏寨龐家港之類
洞詳洞類

胡氏嶺在宮西五里二十九代天師娶新城胡方伯女

胡氏開路以迎因名

峯

琵琶峯在宮南隔溪拔起數百丈類琵琶爲真之所應

山

擁雲峯在宮之東

雙仙峯在宮南兩峯相峙略如人立

雲林峯在宮南二十里層疊峭崿連絡三十六峯頓笏

排戟龍騰鳳翥爲宮之應山

摩雲峯在宮之南飛雲出入與雲相摩人莫能登其絕

頂

迴龍峯在宮之東初霽濕雲不散人謂之兩龍回還

五老峯在宮南五峯高出雲林之表故名

逍遙峯在宮南三十里上有許真君祠祠傍石壁間仿

彿如人掌二相傳古昔仙人以手着其上今潤澤如

玉

望霓峯在宮之東雲興則雨與摩雲峯相連

望仙峯在宮之左登頂可見仙岩故名

冲天峯在宮西五里與西華山連峙祠祀玄帝

蛾眉峯在宮西北二十五里建桐峯頂祀玄帝凡禱有

應

玉龍峯在宮東去二十里祠祀玄帝

岩

仙岩宮前順流二十里有二十四岩爲山中絕勝漢祖

天師至信州始煉丹茲山岩倚岸而立下則湍流所
注渚涵深險上嵌空碧數千尺躋攀不得上窺目力
僅能仰瞻及路遶山脊俯岩而窺則陡絕眩慄目力
亦不能及其岩中各具器物因以爲名其爲器物又
幾何年不變不耗歷歷分明若人間者固非人力所
爲以譎當世之耳目抑果有神物使之然歟不可得
而究也

三教岩若三人並立似相講論

觀水岩若一人俯溪以觀

仙倉岩三處各有倉倉有門門板或新或舊或開或閉

農家以之驗歲豐歉

酒甕岩甕貯其中橫歌不動

仙棺岩棺橫其中

藥羅岩中有石磨磨傍有一藥羅

丹竈岩若泥土累成有水淋火煉之色

木屐岩若木屐一雙

機杼岩或張如織或如杼柚之空

馬廐岩兩柱間一櫪若將秣馬然

鷹架岩木架虛張若堆積鷹矢

染具岩架軸羅列染色猶有存者

杵臼岩杵臼宛然具在

仙樂岩昔人藏舟游觀忽聞樂聲清徹從岩中出故名

獅子岩仙犬岩仙羊岩宛然獅犬羊伏於岩中

轆轤岩一木出外尺餘繫汲水之器或時斜閤於木上

或時垂下或收入於中洪武中有武士遊覽援弓射

之而木收矣至今只覩其半

鐵爐岩中一泥爐爐傍列鐵器非一

泥料岩凡數處各堆木料傍積白泥

仙船岩中橫一舟

仙牀岩虛榻中設常有白雲覆之

棲真岩若重樓復閣

奕棋岩中設碁枰若二人對奕

附近諸岩

道堂岩郁和道士丘自然結庵岩頂脩煉道法顯著不

因濟旱弭災未嘗下山岩在仙岩上

鐘鼓岩在仙岩西北岩中有竅透東可出世傳有道人

焚脩岩中有石臼出米石盞出油石鐘石鼓擊之則

鳴道人欲開臼鑿盞盞期有餘積於是鐘鼓不鳴油米

不復出矣

揚子岩舊說揚子談經之處

沙岩

石未岩

朝天岩

老張岩

馨香岩

龍岩

石

龍虎石在演法觀左右謂之雙龍雙虎天設奇石以護

靈壇

雲錦石在仙岩上流高百丈紅紫照映朝霞夕暉光彩

如錦蘄然如壁俯臨大溪

鍾維石世傳鍾維於此昇仙維亦不知何許人也

試劍石祖天師以石試劍一石中分截然兩段

紫團石在仙岩水中形如續團因名

龍虎誌卷

上廿一

蓮花石在續團石下仙岩岸北廣數十丈紅紫如染森

排周潔開辦如蓮

仙枕石在雲臺山谷間祖天師俯視絕壑中桃實正熟

謂弟子曰孰能取之趙昇下取而上天師亦自投下

趙昇王長繼之遂以神冊諸經玄秘授二弟子

雷打石在宮西順流十里世傳普庵禪師受天師雷法

回試之果驗雷劈石墮水中

雞籠石在宮西十五里

公母石在仙岩下兩石如人背抵而坐又名雌雄石

香爐石在仙岩北五里巍然石柱高數百丈鑿石磴磴

旋而上極險更鑿石眼攀緣頂平建祠祀浮丘王
三仙傍建小屋以居道侶朝謁者不憚遠來

排衙石在仙岩東森然羅列若仙班仗直

碣石下仙岩五里平曠之地萃然如笋高挿雲表四面
如削石背微覺隆起右有子石及石之半根周圍不
半里許腰望之若有岩竇中若有置物者石尖去地
不啻數百丈上有樹植藤蘿下懸

棋盤石在仙岩石壁下水中其平如砥石壁上有大書
仙岩二字遊人多載酒娛樂其上

繡經石詳見象山

屏風石形若屏障故名

洞

封鬼洞在藐姑山頂

鬼谷洞事見鬼谷山洞幽黑入必以燭可容十數人內
復有石洞洞門小狹昔宮建大醮以金簡換之曾有
人初入其中迺遷漸入見人物廬舍一如人世居久
之出扶風問景歸故鄉驗之已數百年人無有能知
者矣

壁魯洞在演法觀雪壇之左絕崖之上闊二十餘丈內
復有小洞人不可入祖天師者於此得神虎與書授

仙傳云西山真人劉弘字君安漢成帝時冬夏不衣
身生綠毛二三尺遇太乙玉女傳張侯魏三使者之
文藏於洞中銘曰天一北祚神虎書太乙紫文玉章
符北魁玄範在龍虎何者當尋西壁魯或曰神虎之
法太白真人指授於此洞

水簾洞在演法觀後上有煉丹岩丹爐具存祖天師於
此脩煉其水濯丹之泉也丹池萃日月交光之氣水
自崖下洒派若珠簾二箔照耀日光人嘯其下則水
易其疏處久而復原亦祥符中勅醮觀中中官爲層
構攀緣而上得遺丹還汴進上服之疾愈永樂間
上不豫差中官命真人張宇清醮于觀差官故宋臣
構架至頂仍得遺丹并壘水以進疾愈

西源洞在宮西去十里泉石深窈三十代天師嘗賦西
源三十篇傳于世

張公洞在宮南大山中三十四代真人慶先山有井遊
井上戲以木葉投之有一老人從井中出拜而有請
戒以毋旱澇而去

井

聖井在宮南聖井山有井居之人投以金鐵重物輒浮
投楮幣輕者則直入水不精潔復旋出不受或浮

百年間物以答水黥黑中產異魚四足鱗鬣非常
旱禱者獲迎以歸雨必隨之復送魚還井以爲常昔
有郭巫祈雨井上誤墜白土角巫收取之遂墜井初
不覺水中有樓殿巍然一翁中坐侍衛森列植所
墜角牖間巫進取角翁謂曰凡水旱有天数非吾獨
專小民不脩誠回天而晝夜角聲環井何爲故奪汝
角巫懇請不已後不復更敢相聒翁命還之巫挺身
而出衣巾不濡後再旱巫違前誠吹角井上角復墜
井巫玩井挽身取角溺不復出踰三日屍出山前潭
水之上僵坐不作漁者推赴長流旦視復坐前所如
是者數四屍竟不去亦不朽敗是夕托夢於鄉人曰
予郭巫也向再入井見龍龍閉不容出繼因命我掌
祠卓屍見異鄉人往驗之信爲立祠有禱輒應理宗
朝三十五代天師赴闕旱檄井龍致雨大驗言於朝
封廣潤侯

蔡家井在仁福鄉旱禱有應居民多姓蔡故名

龍鬚井在宮東南三十里十一代天師應詔隱耕其上

泉石自娛嘗吹鐵篴於井上聲聞數里蓋其傍號

砂坑

白水井南十五里旱禱屢應五季間金谿中宮寺僧劉

氏能泰龍偕隣涂公往山中有井令涂公提鞋以踐
僧入井越三日僧從白水井歸尋涂公尚在井傍垂
泣問曰肯齋否不應命祭以白雞白鴨井因名涂公
旱禱二井俱用白雞鴨爲祭

永樂間內臣楊集請謁龍見于井嘉靖戊戌禱者清
素投果其中布巾裹飯以答劉氏謚大德禪師

彭家井在宮西去二十里巨石爲洞門旱禱漂水入內
小洲投以文疏楮幣則旋而下投果則有果自水
中出必答獲異魚小虺以歸拜禱屢有靈應

石佛井在宮東去四十里有石佛坐其上批把樹偃蹇
如龍盤屈其上旱禱輒應

三台井在仁福鄉三汲相連四時不竭

天開井在西源深僻人跡稀到旱禱有應

丹井在宮鼓樓西泉甘味美久旱不竭

東華井在宮鐘樓數十步與丹井並取泉清無竭三華
之東華陽之西因得是名

市

沂陽市舊爲倪洋唐倪亞爲中丞移鎮雄石因名上自
宮下逮濠口商賈居焉貨財殖焉

鎮寨

氏龍泰龍偕隣涂公往山中有井令涂公提鞋以踐僧入井越三日僧從白水井歸尋涂公尚在井傍重泣問曰肯齋否不應命祭以白雞白鴨井因名涂公旱禱二井俱用白雞鴨爲祭

永樂間內臣楊集請謁龍見于井嘉靖戊戌禱者清素投果其中布巾裹飯以答劉氏謚大德禪師

彭家井在宮西去二十里巨石爲洞門旱禱漂水入內小洲投以文疏楮幣則旋而下投果則有果自水中出必答獲異魚小虺以歸拜禱屢有靈應

石佛井在宮東去四十里有石佛坐其上批把樹偃蹇如龍盤屈其上旱禱輒應

三台井在仁福鄉三汲相連四時不竭

天開井在西源深僻人跡稀到旱禱有應

丹井在宮鼓樓西泉甘味美久旱不竭

東華井在宮鐘樓數十步與丹井並取泉清無竭三華之東華陽之西因得是名

市

沂陽市舊爲倪洋唐倪亞爲中丞移鎮雄石因名上自宮下逮濠口商賈居焉貨財殖焉

鎮寨

雄石鎮在宮南去三里唐倪亞分鎮于此吳楚兵戈入之路鎮詳宋鄭淡記陸子靜跋

薛家寨在宮西去十五里南唐司徒薛忠提兵于此寨

平廣十餘畝四無路登惟南緣石可至

汝口寨在宮南去二十五里元季立寨以遏閩兵

條嶺寨永樂間屯兵以禦寇亂

橋

天慶橋在宮東去五里姜源水從而出貴溪官路所由

捲石為橋上架屋四十六代真人建

西津橋在宮西去五里裏山水從而出路通金谿舊橋

湮廢

嘉靖間重修又為洪水衝廢

南星橋在西津橋東沂溪水之傍流四十六代天師建

萬家橋在宮西去十里捲石為橋路通英溪水次

洪家橋在宮前上下二橋俱通中洲

渡

府前渡 吳稍渡 中渡 蔡巷渡

城門渡 石龜渡 仙岩渡

池

浴仙池在宮西里許虛靖真人幼時浴於池浴罷坐於

雄石鎮在宮南去三里唐倪亞分鎮于此吳楚兵戈入之路鎮詳宋鄭淡記陸子靜跋

薛家寨在宮西去十五里南唐司徒薛忠提兵于此寨平廣十餘畝四無路登惟南緣石可至

汝口寨在宮南去二十五里元季立寨以遏閩兵條嶺寨永樂間屯兵以禦寇亂

橋

天慶橋在宮東去五里姜源永從而出貴溪官路所由捲石為橋上架屋四十六代真人建

西津橋在宮西去五里裏山水從而出路通金谿舊橋湮廢

嘉靖間重修又為洪水衝廢

南星橋在西津橋東沂溪水之傍流四十六代天師建

萬家橋在宮西去十里捲石為橋路通英溪水次

洪家橋在宮前上下二橋俱通中洲渡

府前渡 吳稍渡 中渡 蔡巷渡

城門渡 石龜渡 仙岩渡

池

浴仙池在宮西里許虛靖真人幼時浴於池浴罷坐於

雄石鎮在宮南去三里唐倪亞分鎮于此吳楚兵戈入之路鎮詳宋鄭淡記陸子靜跋

薛家寨在宮西去十五里南唐司徒薛忠提兵于此寨平廣十餘畝四無路登惟南緣石可至

汝口寨在宮南去二十五里元季立寨以遏閩兵條嶺寨永樂間屯兵以禦寇亂

橋

天慶橋在宮東去五里姜源永從而出貴溪官路所由捲石為橋上架屋四十六代真人建

西津橋在宮西去五里裏山水從而出路通金谿舊橋湮廢

嘉靖間重修又為洪水衝廢

南星橋在西津橋東沂溪水之傍流四十六代天師建

萬家橋在宮西去十里捲石為橋路通英溪水次

洪家橋在宮前上下二橋俱通中洲渡

府前渡 吳稍渡 中渡 蔡巷渡

城門渡 石龜渡 仙岩渡

池

浴仙池在宮西里許虛靖真人幼時浴於池浴罷坐於

蓮葉上圖是得名舊為蒙谷庵今浴仙觀也

天一池在宮前人謂南面秀峯多類火永樂間開池引城門之水從池而流以壓火災蓋取天一生水之義

溪港

沂溪水從東南建寧由南城瀕溪西會薌溪水合於安

仁龍津注于湖

禁港永樂丙申差官建醮于呂放生於蓮霞潭

特旨禁旨上自連霞下自雷石不許網罟犯者抵罪

宮宇舊制

太上清正一萬壽宮四代天即來龍虎山即祖天師煉

丹之地建祠堂奉祭祀子孫徙祠於山之東二十里

曰倪洋建祠東行數百步別建壇傳法錄唐會昌間

賜名真仙觀宋祥符中改石上清天聖間二十六代

天師建觀于山之陽政和間改賜上清正一宮大元

大德甲辰賜今額

三清殿宋建炎間燬于火都錄留用光新之大元至元

間宗師張留孫新之大德間又燬有司又大新之

真風殿在三清殿後中設祖師嗣師系師像其下諸殿

宇因革與三清殿同宋理宗御筆書真風之殿四字

福地仙官殿在真風殿左

蓮葉上圖是得名舊為蒙谷庵今浴仙觀也

天一池在宮前人謂南面秀峯多類火永樂間開池引城門之水從池而流以壓火災蓋取天一生水之義

溪港

沂溪水從東南建寧由南城瀕溪西會薌溪水合於安

仁龍津注于湖

禁港永樂丙申差官建醮于呂放生於蓮霞潭

特旨禁旨上自連霞下自雷石不許網罟犯者抵罪

宮宇舊制

太上清正一萬壽宮四代天即來龍虎山即祖天師煉

丹之地建祠堂奉祭祀子孫徙祠於山之東二十里

曰倪洋建祠東行數百步別建壇傳法錄唐會昌間

賜名真仙觀宋祥符中改石上清天聖間二十六代

天師建觀于山之陽政和間改賜上清正一宮大元

大德甲辰賜今額

三清殿宋建炎間燬于火都錄留用光新之大元至元

間宗師張留孫新之大德間又燬有司又大新之

真風殿在三清殿後中設祖師嗣師系師像其下諸殿

宇因革與三清殿同宋理宗御筆書真風之殿四字

福地仙官殿在真風殿左

留侯殿在真風殿右

正一玄壇在三清殿南宋理宗書正一元壇四字

昊天殿在鐘樓東

正一堂在真風殿北上舊有紫微閣宋理宗書紫微之

閣四字

真慶殿在法堂西

三官殿在三清殿東南

十二真君殿在三清殿西南

提點提舉所在東

庫堂在方丈南

齋堂在三清殿西

藏殿在齋堂西

南斗殿在藏殿南

北斗殿在藏殿北

鐘樓在東廊南

鼓樓在西廊南

雷祖祠在鐘樓下

五嶽聖帝祠在鼓樓下

玄壇祠在昊天殿南

內官廳在鼓樓西

外官廳在丹井南

三門在正一玄壇南

樓門在三門外榜曰龍虎福地

蓬海堂在三門東

宿雲堂在蓬海東

雷壇在龍山頂

瓊林臺在虎山頂

國朝新制

殿宇燬於弘治初止德戊辰四十八代天師奏

請蓋造差內臣李之善事

龍虎山志卷上

寥陽殿居中五間

真風殿五間在寥陽殿後

龍虎殿在寥陽殿前

玉皇閣五間已上俱琉璃通脊走編

雷祖殿在玉皇閣東

高真殿在玉皇閣西

三官殿玄壇殿各三間居東廡

四聖殿文昌殿各三間居西廡

門榜賜太上清宮四金字

東西通廊各一十二間

靖通庵三間寤房三間門屋三間在玉皇閣後內祀

靖真人

茅庵一間磚石累成茅履真人脩煉之處

歸鶴亭一間在茅庵前

脩然在庵右今廢基存

聖旨亭二座在龍虎殿前東西

鐘鼓樓在東西

聖旨亭前櫺星門三座梁柱皆石雕龍盤頂傍開兩門

出入

古株木一根在三門外護以石欄榮枯以驗宮之盛

衰

下馬亭一座在宮前百餘步

樓門一座石臺前臨大街榜曰龍虎福地

碑亭三間在宮門東五十步

牌坊二處在宮前大街左右扁曰崇福廣教

公解

提點所在正殿東正廳三間東西廂房各二間門屋

一座後廳三間東西廂房各二間

庫樓三間在提點所後

官廳三間在宮西南隅正廳三間東西廂房各三間

靈陽派

達觀堂

高深院

鳳棲院

明遠堂

深秀院

太素院

虛靖派

崇禧院

裏繁禧

外繁禧

崇清院

佑聖院

真慶院

真人府第新制

宋府第在關門上元徙長慶坊因有開玄堂之名更樓里之號故舊志載在真懿觀之西復徙觀東即今宅也華山障其北琵琶峙其南應天西華衛其東西水自巽入而出於軋所以不替者山水之所鍾也府燬於正德丙子越

嘉靖丙戌真人乞

恩蓋造蒙差內官吳猷董事

正廳五間東西耳房兩間東西廊房各六間

後堂五間東西耳房兩間川堂三間東西廂房各六

間二門三間左右耳門各二間

儀門一座頭門三間

居第正廳五間東西廂房各三間

門屋一座後堂五間東西廂房各三間

堂後小廂房東西各三間

勅書閣在私宅後七間重簷覆以琉璃

家廟五間在私宅東東西廡各三間 正門三間
後殿五間東西兩廡各三間祀傳位嗣師家廟祀祖
天師 後殿後書院三間東西廂房各三間後小房
九間

萬法宗壇在私宅西正殿五間琉璃通脊走編內祀

勅賜銅像三清四聖南斗二十八宿三十六天將
共一百三十八尊 正門三間東西兩廡各三間

玄帝殿在法靖後東西兩廡各三間殿後小房九間

玄壇殿在二門東正殿三間左右兩廡各三間

法錄局在二門西前廳三間後廳三間東西兩廂各

三間 牌坊二座在府大街扁曰道尊德貴

聖旨亭一間在府前西去五十步琉璃蓋覆

天師家廟舊制

演法觀即天師家廟即龍虎山二十九福地也四代

天師建以祀其祖天師其子孫世祔世祀三十七代

時宋勅額為演法觀

勅建正殿五間祀祖天師王趙二真人龍虎二真君

供銅鑄浴盆高六七尺 兩廡 正門三間

玉皇殿五間在正殿後 鐘鼓在正門東

水簾洞在後石崖祖天師闢基脩煉於此

宮二十里

真懿觀在沂陽市真人祠西百步

嘉禧間勅行在提舉修內司建為真懿大元至元間三十六代天師徹内外一新之

真風殿五間祀祖天師 法堂在真風殿後祀留文

成侯暨歷代天師 法院在法堂後祀法籙諸神

方丈在法堂東 東廡 西廡 鐘樓在東廡南

法籙局在東廡東 正門三間 頭門一間

諸宮觀

神德宮去宮二十里修嶺背元宗師張留孫封神德

真君奉

元勅墓存宮廢今為南山觀復改庵

元成宮在宮北二里今廢洪武十四年沒入宮

仙源宮在宮西去三十里舊為觀有元獨清徐真人

曰懋丞者所建

嘉靖壬辰致一真人禮部尚書贈少師謚文康公

賜號泰和邵元節具題差內臣曹玉蓋造陞為宮

正殿三間 龍虎殿五間 真官殿 玄壇殿

正門 碑亭 銅聖像九尊

靈寶觀在微君山下宋大觀二年賜額嘉禧間

道士易如剛徙宮之東山

雲錦觀舊王侍郎禹玉雲錦庵也在雲錦石下去宮西二十里三十三代天師遷於宮東北鐵爐原初宋籍沒王氏田土慶元間以賜本宮道錄留用光遷於王家塘今廢

祈真觀在宮東南三十里祖天師唐葉天師皆嘗所煉於此

宋崇寧間賜額

凝真觀在宮南七十里曰鬼谷山南唐保大間昭孝太子者給錢建觀宋嘉佑間賜額大元至元間本宮

道士吳與順鼎新重建今廢

金仙觀在宮東北九十里嘉定間吏部郎應彌正建

浴仙觀在宮西里餘舊為象谷庵虛靖真人所生故宅

父號蒙谷子凶名事詳池類主觀者俱領禮部劄付

慈壽觀在宮西十五里曰上看至元庚辰三十六代天

師建

洞仙觀在宮前琵琶峰頂世傳呂真人曾此煉丹有棋

盤石觀廢基存

桃源觀在仙岩北隔水路從石硤入二里許中寬地夷廣十五餘畝泉深土沃四面皆石嶺昔有一道人

言姓名開荒結庵而居日題化于外夜歸宿于庵中
多猴狖抱栗摘果來獻道人去後人種其地建屋為
觀實與人世不通別是一境遊人多為勝覽得造其
中

留雲觀在金谿東黃通壩南道士魯省悟建崇禧法派
冲玄觀在宮東去三里洪武初道士傅開山建

天谷觀在宮南十五里今廢

明勝觀屬安仁地名青山元宗師吳全節勅建觀前山
事詳河圖仙壇記建觀法派

逍遙觀屬安仁下斯郁和法派

龍虎山志卷上

廿六

玉清觀在宮西南去十五里混成道士盧大雅建

真應觀在宮東十里崇禧法派

壽椿觀在宮東三里佑聖法派

華山觀在真人府後華山下四十六代吳氏仙姑葬其
後

玄都觀屬金谿永和鄉三十八代天師留國公勅葬其

山

慈慶觀在宮北二里三十八代易氏仙姑葬其山

南山觀在真人府應山下包氏元君葬其山

繁禧觀在宮前中洲至正間本宮提舉李謹建元學士

趙孟頫書額為外繁禧

正華觀在繁禧觀上二里至問應蘭金真人建舊

曠逸庵紫中法派

外嶽宮在蓬華下里餘祀嶽帝八司著靈謁者不替

瑞慶觀在宮西去二十里三十五代真人塋其山

乾元觀在宮東去八里篠嶺下

中和觀在宮東去三十里田形象蟹又曰蟹田

慈濟觀在宮北二里

北真觀在宮二里四十四代真人塋其山

南極觀在宮西去十里四十五代真人塋其山

龍虎山志卷下

廿一

長生觀在金谿東曰魯方四十七代真人塋其山

規泉觀在宮前五里四十三代真人隱居於此終塋于

山

菴

渾淪菴在宮西去十五里曰西源虛靖真人建為修煉

之所

靖通菴在宮後三十餘步有砌茅覆虛靖真人成真之

處宋建祠以祀亦扁靖通靖通庵前建鶴歸亭

蒙谷庵即浴仙觀詳見浴仙池虛靖所生之處

隱雲庵

玉泉庵在宮前五里水南今為觀

璧湖庵在宮前璧湖峯下

天谷庵在宮南十五里後為觀宋時郭南仲建後易如

剛命徒毛商叟重建今廢

歸隱庵在宮北二里都錄留用光建元寧宗書額以賜

都錄堊庵後

八卦庵在宮南里許郁和靈應真人留真空建真人承

召問道賜金甌鐵齒賜號歸隱於此

止止庵

紫雲庵在篠嶺去二里至正間崇禧金真人應蘭建

太極庵在宮後崇清道士董處謙建

寄庵宋時道士廖棲雲建因取於生寄死歸之義

怡雲庵元郁和提舉胡品亮建

外道院

通真道院元真間張宗師建

會真道院至元間道士方南翔建

東山道院至元間本宮道士黃師漸建

望仙道院至元間本宮道士熊貴實建

紫霞道院至元間本宮道士孔昌立建

雲山道院在洋塘觀上東隱道士薛繼申建

雲溪道院在宮南一里至元間真慶道士馮介福建
瑤峯道院在宮上半里東隱道士周思厚建傳道制授
左道錄莖院上

仙源道院至元間本宮道士倪君錫建
怡雲道院大德間本宮道士孫繼祖建

南陽道庄在鉛山縣十八都四保居人閔士誠施田七
十一畝四分山一十八畝二分屋基四所一坐方家
塢二坐拓樹塢一坐斑竹塢在市悟真庵道士領管
納租

寺

龍虎山志卷上 三十九
真國寺在宮南五里山中四無隣並一塵不到林幽澗
深人跡稀到多名僧

臺山寺在宮北八里四面山環去俗逾遠

天門寺在宮西南十五里寺廢墓存

福山寺在宮南十五里四面皆山

彌心寺在宮西去十里地名漸浦

仙岩上寺曰仙人城在宮西順流二十五里石山森立
一峯中高上亘青蒼下俯深淵面東陡崖如削洞開
二十四岩凡世用器悉滿于中不可平視惟從舟可
以仰窺其峯曰天竺上有岩曰白華初無路登

宋熙寧間寶月禪師自浦城來緣石至岩里人因其踪
往視之見師燕坐岩中自是往來益衆燈傳無替至
元戊寅寺僧彬公重新殿宇奎章閣大學士虞公集
爲記亦詳上有池有井世傳許旌陽逐蛟至此蛟化
爲人避岩中辭去問僧所欲僧曰無所欲缺者水也
往汲甚艱令閉門戒毋出視不數日成池一井一久
旱不竭開山在宋熙寧松蛟在晉永嘉寶月之來恐
非熙寧傳有前後之謬石頂爲池爲井又非人力可
至或爲旌陽再出除蛟之餘孽也

仙岩下寺在天空峯下五峯爲應古時殖貨于此曰仙

岩壑世出名僧

龍虎山志卷上

四十

馬祖寺在仙岩下五里石爲門入內有閤門石緣石
級入岩中建佛殿右建輪藏殿左建圓通閣僧房厨
廩隨地之宜石碑間有小房曰暖房夏則清涼隆冬
溫暖岩中有一線天之光石獅載鐘石龜載鼓馬祖
禪師未至岩多妖恠至則群恠悉滅

紫源寺在宮南二十里有黑龍井在焉旱禱有應

梅源寺在宮南二十里

龍虎山誌卷之中

賜進士第中奉大夫閩京工部侍郎致政安仁兩山張鉞校正

恩典冠帶生員安仁雲峯李仁應元編次

宮觀人物

扶輿清氣之所以妙流布之幾無地不生賢也無時不生才也亦繫所養何如耳凡入玄門者養之以詩書養之以道範紛拏之俗不少撓乎抱一之真此其所以賢而才也按龍虎山志肇於漢唐盛於宋元而迨我

龍虎山志卷中

聖朝則人才不為不盛矣特漢唐前不可攷後元明善雖奉勅誌之猶未備茲則襲其舊而摘其尤者誌于今以備觀焉

王長趙昇李忠俱蜀人幼從祖天師學道洗心勵志精一不怠天師居房陵除白虎神居青城山破鬼陳米往諸名山王趙未嘗離至雲臺山天師俯視絕壑中有桃誰能下取趙昇下取以進天師亦下昇長隨之天師遂與之丹餌之一日天師於雲臺山與夫人雍氏乘雲上昇惟昇長得侍後之學道者尊謚為真人劉遷豫章人素好道居貝金陵為大賈嘗受正一錄一

龍虎山誌卷之中

賜進士第中奉大夫閩京工部侍郎致政安仁兩山張鉞校正

恩典冠帶生員安仁雲峯李仁應元編次

宮觀人物

扶輿清氣之所以妙流布之幾無地不生賢也無時不生才也亦繫所養何如耳凡入玄門者養之以詩書養之以道範紛拏之俗不少撓乎抱一之真此其所以賢而才也按龍虎山志肇於漢唐盛於宋元而迨我

龍虎山志卷中

聖朝則人才不為不盛矣特漢唐前不可攷後元明善雖奉勅誌之猶未備茲則襲其舊而摘其尤者誌于今以備觀焉

王長趙昇李忠俱蜀人幼從祖天師學道洗心勵志精一不怠天師居房陵除白虎神居青城山破鬼陳米往諸名山王趙未嘗離至雲臺山天師俯視絕壑中有桃誰能下取趙昇下取以進天師亦下昇長隨之天師遂與之丹餌之一日天師於雲臺山與夫人雍氏乘雲上昇惟昇長得侍後之學道者尊謚為真人劉遷豫章人素好道居貝金陵為大賈嘗受正一錄一

日暴死於旅邸未幾復甦言為陰司所攝道逢仙吏
曰世人受錄不能持戒但言焚化即為冥福今汝既
奉至誠無怠死期雖至可復延二紀遂入龍虎山求
為弟子身無疾病壽九十不疾而終

宋

王道堅貴溪人本宮道士宋政和間被徵赴闕延館于
太乙宮徽宗訪以修舉延年之術堅奏曰清靜無為
軒黃所以致治多欲求仙漢武所以罔功夫修煉者
非天子事也時方校定道藏經文制授太素大夫凝
神殿校籍校定道經號凝妙感通法師時徽宗預知
國當有厄命道堅禳之奏曰修德可以回天禳禳之
事不敢誤國力請還山紹興初高宗遣使復召先一
日道堅鳴鼓集衆乃舉頌曰無心曾出岫倦翼早知
還為報長安使休尋海上山此使至已化矣

祝永祐貴溪人本宮道士與王太素齊名宋政和間賜
號冲隱太師知神霄宮事時浙東盜起陷夔夔二州
將及信境郡守請檄神兵助以備禦永祐曰無憂盜
踰常山當自退頃之盜至草坪大風忽起揚砂石書
晦若有旂幟戈甲出溪山谷間賊大駭宵遁郡守以
其事上聞宣和六年加號通妙後復徵之永祐嘆曰

太素公且將歸矣吾何往焉稱疾不赴年九十一而
逝

王襲明貴溪人本宮道士精於修煉得內丹之妙宋政
和間累詔不起因受本山道正兼知宮後遁去乾道
有於蜀遇之者計之百餘歲

留用光貴溪人貌奇古而黠遂往遊南嶽至撫州臨川
路逢一道人自言是張輔元與用光偕行用光行為
之負止為之炊次長沙元與之曰子事吾勤亦至矣
向吾慢子觀子之變子敬益加吾今入蜀有一書授
子子其秘之遂去啓視乃天心五雷秘旨宋慶元間

龍虎山志卷中

三

衢州旱甚郡守沈作勣夜夢黑龍蟠于城隍廟門旦
視之乃用光醉臥也即延命禱雨而雨郡守以其事
聞上時天下旱上遂遣使召入朝即命禱雨輒應時
年幾四十餘上常以師禮待賜冠服三授制至左右
街都道錄太乙宮都監賜號冲靖先生寧宗為出內
府錢帛撤上清宮新而大之嘉定間力請還山上因
授兼本宮提點自是襲授本宮能任不復除授光遂
校定黃籙科儀後理宗初復召謂使者曰師奏天子
治天下者道德之言足矣山林野人來將何益越旬
餘值元旦乃升正禪座曰自出洞來無幾事元不續

下句而化向之張輔元或謂漢天師也自結庵後號
曰歸隱塑像其中莖庵後歲時以祀嗣其教者故為
紫微派

易如剛字仁甫安仁人道行純備儒文道傳靡不該貫
善屬文詩尤工宋寧宗徵至闕制授三茅山崇禧觀
復召授左街監義五遷至左右街都道錄太乙宮都
監賜號通妙葆真先生理宗立眷遇益隆嘉定間得
請還山年七十有餘不疾而終

張聞詩貴溪人為宗師留孫太父行宋景定間勅賜觀
妙大師住持本宮先是宮門不稱聞詩出數十步別

龍虎志卷中

四

創樓門面琵琶峯前橫太溪初議者欲以陰陽之說
挽之聞詩曰爾後吾教大昌山中之盛十倍始相驗
亡預作墓於石龜渡得石鏡一面石履一綯聞詩曰
玄呈吾徒平泰階而暉曜靈之兆歟謂留孫曰恐在
爾也後十年宗師在朝元至元間賜誥封通真觀妙
去應真人

毛允安仁人宋景定間召至闕廷歸奉勅建紫微閣
理宗為書閣榜臨終召諸弟子曰山中之士於世何
補惟當修身慎德以報君親師耳各宜勉之言訖而

逝

薛應常貴溪人事母盡孝宋咸淳間赴召禱雨有應

太乙宮都錄得請還山授管轄化之先七日上表辭

度宗曰應常以烟霞陋質叨冒聖恩死無所報謹奉

表永訣度宗驚異勅以禮葬

孔希岳金谿人也總角從道清富儉睨當世時湯漢負

人士重望至山中結交焉白玉蟾與希岳若有宿契
凡遊覽吟咏必與之俱

張元英長沙人宋景定間遇異人授以道法令為道士

嘗禱雨於鄉刻期不應忽有神憑人語曰水南樟樹

妖梗爾耳元英向空叱雷神火其樹霹靂一聲澍雨

龍虎志卷中

沾沛明日或來自水南者言雷火昨焚樟樹矣一日

主黃籙醮一人自縛門柱曰適在倪洋市飲酒啖牛

肉衝觸醮壇神今縛我乞師縛解垂救元英乃曰彼

既知畏神宜釋之以水噀縛者立醒他靈異彰著甚

多

李嗣仙金谿人重厚寡言至講坐以詞難復壺不絕至

元內從天師入朝授本宮提點

詹五老貴溪人行義純篤至元丙子授本宮提舉

黃自明臨川人性質冲澹行業益修眉中各有十數莖

白毫長二寸許人皆異之至元庚辰授本宮提點

方南翔金谿人。過道真慶宋景定間遊湖湘部使者請
主澧州天慶觀。後還山。後天師入朝授本宮提點。即
退去。建乾元觀於宮之東五里。習靜其中。壽七十五
而逝。

李宗老字周卿。達觀道士。嗣宗師吳全節師也。其崇重
溫直靜默。發言鮮不中理。乃有道士也。至元間制授
江東道道教都提點。住持本宮。御史中丞崔彥見而
嘆曰。使朝廷皆得若人。何事不理耶。後謝宮事。以大
宗師張留孫其弟子云。

曹監臨不知何許人。授三華為道士。癡呆常若醉人。自

龍虎山志卷中

六

謂吾老實當作監臨人。譁呼之。輒應。好喫狗肉。人呼
之曰曹狗。亦應。一日摘茶醉臥園樹下。喚之不醒。眾
欺之。歸喫午飯。留他此睡。日斜。住持曰。天晚尚不呼
曹歸喫飯。至則睡甜。以足踣之。起曰。我在延平人家
吃齋甚齊。備何為呼我。未得終席。人以為妄。曹曰。汝
不信。袖中果還在。則出數枚生荔枝。人始知其出神。
莫知其終。

張留孫字師漢。貴溪上隄人。生季元。從伯祖張聞詩。學
道達觀。修髯厲頰。狀貌奇古。相者謂之有七分神仙。
三分宰輔。已未元世祖聞天師宗演名。間使召至。其

徒從者數十人皆美才上獨目公而留之召問因
虛心崇儉愛民以保天下深契上意裕宗在東宮寢
疾召公護視疾尋廖昭慶順聖皇后疾命禱夜夢長
髯絳衣朱轂行青草間介士白獸導前召問對曰青
草生意也明春果愈詔兩都建上帝祠賜名崇真宮
併以居公賜平江嘉興田八百頃大都昌平栗園五
千畝賜名上卿玄教宗師商議集賢院事初集賢翰
林共一院奏分翰林掌詔國史集賢館天下賢士
以領道教置道官又宮觀主者給銀印視五品為其
道者復徭役上不豫諭曰卿事朕久矣始終一德又
諭善事嗣皇上崩成宗歸自潛邸嗣位駕屢親祠崇
真明年有星孛于正北詔公禱對曰臣聞人事失於
下則災異見於上陛下省躬修德以祈天也未幾兩
都及河東地震命禱于崇真有白鶴翔集于庭詔文
臣間復等作頌刻石武宗踐位陞為大真人知集賢
院領諸路道教事進封其三代皆一品以其兄弟之
子二人備宿衛命其弟子吳全節為玄教嗣師加公
號輔成贊化保運玄教大宗師賜玉印文曰玄教大
宗師印上御嘉禧慈謂宰臣曰知朕有耆德之臣乎
張上卿是也衆皆曰誠如聖言明日加開府儀同三

司封其弟子七八皆為真人贈其曾祖考皆為公祖
考妣皆夫人從子皆授四品官年七十終蒞南山觀
額贈神德宮詔圖其像命翰林學士趙孟頫為贊追
贈其為神德真君

加張留孫大宗師誥命

元成宗皇帝制曰教傳正一爰登入室之科恩出九重
庸錫陞階之號玄教宗師志道弘教冲玄大真人總
攝江淮荆襄等路道教都提點同知集賢院道教事
張留孫烟霞異質松鶴貞姿握玉府之靈詮爰玄門
之隆棟飈輪赴闕朕勤二紀之餘寶籙頒禧歷侍三
朝之久日月際言嘉之會風霆隨指顧之間丹符用
勝於然犀瑤欄功參於鑄象輔元有訣詎須黃石之
一編姑射所居易羨赤松之八表祇承異渥益闡真
風可授玄教大宗師志道弘教冲玄真人總攝江淮
荆襄等路道教都提點同知集賢院事

加張留孫勲號誥命

元仁宗皇帝制曰六朝尚德樂其清靜之風四字褒功
恩霽贊襄之道匪繇元老曷稱洪恩特進上卿玄教
大宗師志道弘教冲玄仁靖大真人知集賢院事領
諸路道教事張留孫純正立心儉慈為寶佐盛代文

明之運體列聖精一之誠欽福錫民皇極永資
保以神設教道樞允賴於人弘詢廷臣僉謀以
國士獨膺其選仙班崇進策勳莫罄於至懷公
爵上封辭賞重違乎雅意弗圖異數罔別常流
是用視最品以刻章擬殊績而議號於戲從赤
松子漢廷未許於留侯言白衣人唐室竟官於
李泌事隆綽命茂衍壽祺可特加輔成贊化玄
教大宗師故茲

加張宗師知開府

元仁宗皇帝制曰朕聞道大者居虛德盛者無
間有希夷之實美常歛退於崇名人之難能朕
所深與咨爾

龍虎志卷中

九

特進上卿大宗師張留孫事我世祖歷千累朝
乃心每竭於忠勤立教無分於物載其清靜治
可致於雍熙寶其儉慈俗可還於淳朴扈從左
右者僅四十載服行始終者惟五千言宜在先
朝備加寵異底于日益尚老成爰進崇階仍增
美號雖匪道家之所慕庶幾朕志之不忘於戲
惟名器之公出容私於天下垂衣裳而治期永
暢於皇風可特加開府儀同三司輔成贊化保
運玄教大宗師延佑二年

加贈宗師張留孫曾祖祖母官封

元仁宗皇帝制曰道本無為惟誠身而有得孝
思弗替

於上世以增光開府議同三司玄教大宗師張留孫
故曾祖宏綱特贈榮祿大夫尚書右丞信國公謚安
惠故曾祖母吳氏特贈信國夫人惟累功積德之深
故流澤傳芳之遠挺乃玄裔振此玄綱嘗膺卹典之
榮爰自先朝之盛盡加封於極品仍舊秩於公台於
戲不有成功雖至人之素願載加寵命得昭代之彝
章尚其欽承服之無斁特加贈集賢大學士光祿大
夫柱國改封魏國公仍謚安惠吳氏可加贈魏國夫
人 延祐二年

加贈宗師張留孫祖及祖母官封

龍虎誌卷中

元仁宗皇帝制曰道先天地玄化適屬於至人德本祖
宗異渥宜延於上世特述先朝之故事載新今日之
彝章保運玄教大宗師張留孫故祖粹夫特贈銀青
光祿大夫司徒信國公故祖母吳氏特贈信國夫人
向在先朝嘗申錫典為國祝釐功不虧於弼亮承家
錫寵禮莫重乎追崇秩以邦教之官爵以國封之貴
良資清靜以贊康寧於戲由子至孫今進華階於極
品尊祖及妣咸加追賁於九原尚爾冥靈服茲寵賜
粹夫特加贈金紫光祿大夫司徒上柱國改封魏國
公吳氏特加贈魏國夫人 延祐二年

加贈張宗師父官封

元仁宗皇帝制曰粵有至人優被四朝之眷既開大府
從加三世之封保運玄教太宗師張留孫特加贈故
父儀同三司大司徒信國公謚文簡九德雖累進於
褒章未全昭於令典在爾後嗣是為上卿秉雲至帝
鄉依清光於日月敬德祈天命綱大化於乾坤正紀
以明成功不恃當朕誕彌之始啓茲洪佑之深方撫
治於平隆益簡知其忠董榮既陞于極品恩增錫于
顯親制侈屢書爵仍美謚於戲玄風仰邈箕山有外
臣之高慶裔申嚴魏國得大名之遠承言孚格以衍
方來可特贈開府儀同三司大司徒上柱國改封魏
國公仍謚文簡

延祐二年

加贈張宗師母周氏

元仁宗皇帝制曰慈宸致養爾奉職以祝隆慶典惟恩
朕用心于孝治庸旌家範加錫彝章保運玄教太宗
師張留孫故母特加贈信國夫人周氏積德育賢連
時行道默贊一元之化為而不居輔成物之宜靜而
能應保茲昌運美矣玄功既陞開府之儀申啓傳家
之祚晉封大國仍號小君於戲名器不以假人特昭
勸飾公侯之有命婦室異生存尚其有知服之無替

可特加贈魏國夫人

延祐二年

贈張宗師七世師祖俱為真人

元仁宗皇帝制曰昔在

世皇欽崇天道詳延及乎方外時則有若至人神而明

之為累朝之光輔古之學者必前哲之師承庸濬真

源誕頴憫澤咨爾特進上卿玄教大宗師張留孫七

世祖師張永等世相授受學本冲虛藏於名山演上

清之玄教傳之後世若下邳之素書其宗旨之大彰

至上卿而莫二是用歷稽往代咸錫嘉名於戲推恩

七世之師實超乎古贊我萬年之治共自于今迪爾

龍虎集卷中

祖風欽予休命可追封張思永襲明祖素靜正真人

馮清一集虛演化抱式真人馮士元玄範化貞一

真人陳瓊山象先抱一淵素真人李和泰毓真洞化

靜復真人胡如海寶慈昭德泰和真人李宗老孫光

至德昌玄真人

延祐二年

嗣宗師吳全節號閒閒安仁人系泰伯之後居壽樾山

屋盤石之上咸淳己巳有泉出東楹之礎脉直如貫

繩上升梁間達于西楹乃生靈芝光彩映日久而不

壞是歲十一月七日公生丹光滿室七月能言其父

抱膝上因坐假寐夢神人告之曰高仙托體君家聖

中不能留也。四歲能誦詩。七歲其叔父教之。日記千言。十歲從其兄遊仙岩之下。慨然有遺世之志。十二學道上清之達觀。從師李宗老。嘗有異徵。得公而應焉。及聞臨川雷空山有隱君深明易老。往師焉。得專受其業。十六度為道士。元世祖得江南嗣天師張宗演入朝。張留孫在行。在奉勅留禁近。賜上卿。二十四年。開府徵公得入見。奇之。元貞元年。制授冲素崇道法師。南嶽提點。主祀五嶽。尋加授玄德法師。崇真萬壽宮提點。二年。奉旨偕近侍同江浙省臣修造大上清宮。宇九年。作崇真觀于安仁。賜額。十一年。武宗制授玄教嗣師。江淮荆襄道教都提點。崇文玄德真人給玄教嗣師銀印。詔封三世及弟子皆為真人。命學士元明善修龍虎山志。著序。賜崇真觀為崇文宮。因請歸慶父母八十壽。上允之。旌其鄉曰榮祿鄉。里曰具慶里。降筆書護其家。六年。奔父喪。葬父母於山田。建明成觀以奉祀。至至治二年。特進上卿。玄教大宗師。崇文和道玄德廣化真人。總攝江淮荆襄等處道教。知集賢院事。賜以玄教大宗師玉章。一品銀印。一總攝道教事。二品銀印。一并勅。明年大上清宮災。率屬更新之。三年。奉勅。葬開府于南山之月嶠。作仁

靖觀以祀及改造開府所建溪山真慶宮改為神德
宮至元元年京師旱命禱得雨冬無雪命禱則雪五
年幾甲子蝗命禱悉滅復命往南嶽過長沙趙信公
葵見待以禮曰神氣冲爽而有福德可以受吾道乃
焚香密室出其書以授道則皆劉海蟾李玉溪之秘
文過洛陽見太守盧摯治民平易言於上即擢集賢
院大學士過浙西遇翰林學士閻復客之不忽也後
居翰林益加厚敬孔氏宗法金季太宗之嫡南遷久
而未正延祐間會李韓公居中書元文敏公居禮部
公力言之以五十四世孫思晦封衍聖公元統初思
晦卒仍有乘間覬覦者公力爭思晦之子克堅襲封
曰不惟聖系昭明其於世教所係進宋儒陸文安公
九淵語錄人始知陸氏之學翰林吳澄始用董忠宣
士選薦自布衣召授翰林應奉不拜復召為國子監
丞陞司業與時宰論不合去公曰吳先生天下大儒
聽其去非朝廷美事作環楹堂先天諸圖畫于壁以
玩心神有詩曰要知顏子如愚處正是羲皇未畫時
道家之書曰靈寶齋法者授受既久寢失宗旨集諸
家所傳手為刪定類為二十四門總為十卷題曰靈
寶玉鑑全真之教其祖傳有所謂玄風慶會大德中

嘗使人譯之莫達其意命公論定公曰丘真人所以
告太祖者不過以為取天下之要在乎不殺治天下
之要在乎任賢修身之要在乎清靜寡欲鍊形致虛
則與天地相為長久矣其所為詩文曰看雲集通二
十六卷學士揭傒斯為序其為薦引善良惟恐不及
憂患零落惟恐不盡其推轂之力至於死生患難經
理喪具不以恩怨異心則尤公之所長也御書間間
看雲四字書明仁殿以賜識以皇帝之寶御史中書
馬祖常太常歐陽玄為贊崇文宮賜名龍章寶閣賜
達觀為玉象閣而御書三榜揭其上文惠觀河圖仙
壇命廷臣集其事以記之公堊明成觀之左山

授嗣師吳全節總攝真人

元成宗皇帝制曰朕惟國家崇玄教欲隆萬壽之禧道
宮有嗣師式副九重之望爰頒綸綍俾領簪裳咨爾
冲素崇道玄德法師江淮荆襄等路道教都提點吳
全節蚤冠儒流秀鍾道貌神氣夙超於天稟仙班宜
近於日華歷事三朝追經三紀志據聖賢之學欲俾
社稷之謨頃侍先皇親承顧問論寧地應天之道惟
擇人恤民之言祝釐雖任其勞負財嘗陳於諫備器
拔俗及席思賢朕登寶之云初卿操履之尤謹不有

殊渥曷表清忠爰命官臣亟揚廷號謂德之通玄者
可弘太上之道道之崇文者可繼域中之師訂六字
之既佳示四方而何泰不特桂堂之有托久惟竹殿
之得人於戲全季子高節之風諒卿不移初志如法
善光祿之爵在朕尚有好官益懋嘉猷祇承明命可
加授玄教嗣師總攝江淮荆襄等路都提點崇文弘
道玄德真人 大德十一年

贈嗣師吳全節祖父母爵謚

元武宗皇帝制曰深惟文景之治竊慕黃老之言殊塗
同歸靡間游方之内外無德不報盡先疏渥以旌崇

玄教嗣師崇文弘道玄德真人吳全節祖鑑恭恪自
持英華靡銜根抵六藝致其博於東家聖人貫穿九
流折其中於龍門太史粹矣庭闈之授隱然邱劍之
傳守者吾玄何必俟子雲之後世載之以靜故宜舍
蓋公而避堂顧諄諄災變之屢言豈一一禳讓之徒
事載頒顯秩爰錫舊邦以章迪世之規以示遺經之
報於戲五千言之在石壁歷萬變而不磨十八士之
登瀛洲尚九原之可作可特贈昭文館大學士資善
大夫饒國公謚文靖祖母陳氏特贈饒國夫人

加封嗣師吳全節父官爵

元武宗皇帝制曰天下之達道五所以行之惟知仁勇
天下之尊三其能兼有曰德齒爵蓋養老為國家之
福而顯親乃人子之心既華貫之平躋宜腴封之加
衍玄教嗣師崇文弘道玄德真人具全節父翰林學
士中順大夫克己才粹而學優操行安身而節著靜
以遐觀卻功利之塵于八表之極超然燕處探聖賢
之蘊于寸畧之餘名參洛社之英年媿商岩之皓條
若家規之屢緝金如經訓之親傳必忠必誠克謹克
戒惟清惟靜有猷有為紫極客星上界之風雲近接
錦江壽櫟中天之雨露頓疏賦爰昇於鄉圻孝庸申
於志養槐府換鸞扉之舊綵衣增羽服之榮頭慶門
實冠於人倫豈樂地弗闕於名教於戲桃李穠華易
失其如晚節之香歲時祀祝言歸益介春祺之永可
加授榮祿大夫大司徒特封饒國公母舒氏特授饒
國夫人俱葬崇德鄉之山田建明成觀以祀

賜崇文宮額

元仁宗皇帝制曰朕聞老氏之道清靜無為本於軒皇
有天下者臻雍熙底乎一必繇於此我

世祖皇帝存心至道以追經為師符籙禱祠云乎哉玄
教嗣師崇文弘道玄德真人侍其師特進上卿玄教

大宗師張留孫歷事累朝逮朕踐祚每陳元氏之本
明達至理之要朕甚嘉之有所圖上所建旣州路安
仁縣雲錦山福地萬壽崇真觀可賜額曰崇文宮

李奕芳沉靜簡默侍嗣宗師在朝大德間

元成宗授明遠冲妙弘教法師南嶽廟提點兼潭州
路衡山昭聖萬壽宮壽寧觀住持提點

夏文泳貴溪塘甸人侍嗣宗師祠嶽瀆大德間受大都
崇寧萬壽宮提點尋陞真人

元武宗皇帝制曰一德格天玄化已弘於再授萬靈衛
道真人斯啓於三傳名雖實賓位由號著咨爾臣工

龍虎志卷中

八

之就列體予神教之多方大都崇真萬壽宮提點夏
文泳厲操清修宅心高妙襲素風於儒術悟玄理於
真筌得其遺珠有斯韞玉祝釐宣室紫雲秘演於師
資翊善春坊詹錄喜將於贊諭每尚賢而加錫屢執
謙而不居惟虎變之待時知龍飛之有日誕頒特命
崇進華階亦予獨厚於舊人在典宜褒其上士於戲
歌傳寧一曹叅本述於蓋公遊適道遙茲更寔宗夫
列子爾其總清靜無為之士輔丕寧有道之朝邁迹
前猷騰輝後繼可特授元成文正中和真人江淮荆
襄等處道教都提點復賜銀印視二品領天下道

敎事勅建元成宮後塋其右山以宗師終

陳義高貞元間勅授大郡崇真萬壽宮提點至大三年

卒于宮追贈真人

元成宗皇帝制曰敎隆正一當九州共一貫之初輩出
仙真膺列聖殊常之遇振鐺圭璋之偉望恢揚龍虎
之嚴規往既著稱今宜加贈故崇正靈悟凝和法師
擬點文學陳義高春訪德選藩府英游氣至剛而貌
群庸韻不屑而邁前古形為事業非惟歛格之科擢
作詞章動協箴規之體以故文祖之天光屢接宗王
之禮眷特申束裝載菱于戎行為歲兩週于星紀蓋

龍虎山志卷中

十九

所養者重雖堅金累璧輒振散以無餘其所造者深
雖勁雪寒鄉亦披吟而不輟宏其中肆其外密於上
孝於親告始遂於言歸疾已聞於罔救云何吁矣愛
真助焉有弘敎為之師經理事皆合緒有崇文為之
弟褒封恩乞如章尚矣吝于疏榮而不先于錫號卿
宜朕享朕不卿忘於戲道終始若循環汎爾莫窮其
用人去留如解帶脩然自得于天其沛芝綸以延颺
馭可特賜贈粹文中正明敎真人

余以誠元貞間勅授通玄真應冲靖法師鎮江路都道
錄紫府觀住持提點云一大初改授平江路道錄致道

觀提點

馮道原至大初勅授葆和持正通玄法師揚州路道錄
玄妙觀住持提點

夏文潛貴溪人元至大勅授明通冲妙玄應法師湖州
路道錄玄妙觀住持提點尋改授吉州路道錄浮山
洞虛觀住持提點

熊貴實元元貞間勅授本山大上清正一宮住持提點
元素明通靈真法師無管本諸宮觀事

李志立元元貞初勅授本山大上清正一宮提舉大德
間陞授葆和通妙冲靖法師本山大上清正一宮住
持提點兼管本諸宮觀事

龍虎山志卷中

毛穎達元大德間侍嗣師祠祀諸山勅授純素弘道冲
妙法師上郡崇真萬壽宮提點皇慶初請封正德弘
仁靜一真人掌遁甲祠賜銀印視二品

陳士罔元至元間勅授崇玄知道通妙法師天下道教
都提舉兼提點管大上清正一宮事

章似志元大德間勅授潭州路道錄嶽麓萬壽宮提點
復加授明素冲虛通妙法師本山大上清宮提點兼
管本宮諸宮觀事

吳以敬元大德間勅授觀妙冲靖靈悟法師饒州路道

宮紫霄宮真應觀成捨仁福庄田米壹千三百六

餘并庄之廬廩畜產俱入常住三山王禮翁蘭惠什

捨田記徒曾省吾授隆興通判創留雲觀終塋石碣

孫景真字德弘號文軒貴溪人崇禧道士立心忠厚膚

居如山智動如川大德間侍三十六代真人入覲

制授通真凝妙弘道法師掌真元宮崇禧宮提點延

祐間勅建崇禧宮至元陞為高士兼領道教事庚午

年買金谿田二十五秤又買龍山墟水田二百斛入

常住至正元年建下馬亭

董至玄字守仁號奉山崇禧道士書史精通儒道魁覺

龍虎志卷中

廿

成化五年欽取赴京命掌道錄司越五年諱歸賜本

宮提點掌諸宮觀事終塋邊山

林靖樂字純素號梓山閩之三山人崇禧道士儒道兼

通有禱輒應任本山宮事永樂間欽取赴京賜道錄

司右演法復任武當太岳太和山大聖南岩宮提點

都督武當事終

張交霖字修文號鐵鑛子明遠道士洪武辛亥

上辟為教門高士尋提點大上清宮諸宮觀事成落

為續有徒孫吳葆和勅授道錄司左至靈觀朝天宮

住持又胡守中號淵默任本山提點卒塋鐵鑛源

錄龍虎大上清宮住持提點無管本山諸宮觀事

徐懋昭元大德間勅授葆和通妙崇正法師常州路通

真觀住持提點皇慶初授葆和通妙崇正真人

傳處潛元大德間勅授通真明教昭應法師教門高士

潭州路王仙山登真觀住持提點

金應蘭號曠逸鄱陽人學道紫微元成宗勅授冲道明

德曠逸法師龍興路道錄道遥山玉隆萬壽宮住持

提點

張彥綱元大德初授杭州路龍翔宮提點加授崇文玄

逸明道法師至大間改西太乙宮提點

龍虎山志卷中

廿一

傅應辰元大德間勅明遠冲靜法師南嶽廟提點

何恩榮元大德間勅授明德通玄弘道法師信州路道

錄溪山真慶觀提點

孫益謙元大德初勅授太初玄逸觀復法師大都崇真

宮提點

陳日新侍嗣宗師在朝從行祠祖元大德間勅授洞玄

明德崇教法師大都崇真萬壽宮提點皇慶初勅授

崇文冲道明復真人

元仁宗皇帝制曰篤叙丕圖樂清靜無為之治默簡妙

道得希夷有造之名縉典聿新素履斯著洞玄明德

崇教法師大都崇真萬壽宮提點陳日新世蔣儒術
夙悟真詮年繼道宗嘉爾師資於舊德孝隆興聖祈
茲福壽於永年允為法錄之神實濟詩書之懿爰製
六言而錫號俾膺四代以傳家於戲帝者以慶賞待
賢庶共昌於景運老子以慈儉為寶尚遠振於玄風
祇服寵光懋逢元吉特授崇玄冲道明復真人

薛玄義皇慶元年勅授淵德致虛輔教真人

董處謙元皇慶初勅授觀役冲妙靈悟法師饒州路道
錄餘干州萬安宮提點尋改授本山提點兼管諸宮
觀事

曾唯道元大德初勅授信州路道錄萬壽真慶宮提點
尋授凝和明德冲妙法師潭州路寂麓萬壽宮提點
復陞真人

程友梅崇清人延祐三年勑授妙道真人至洪武初復
授本宮提點其人如故

李庭昕元至元十八年勑授宣靜觀復凝遠法師張天

師門下都道錄

蔣雷谷字同壽真溪邑人也穎悟超凡幼偕父紹芳遊
上清宮慨嘆口凡骨莫能居此焉歸即辭親授洞淵
堂禮練太素為師儒術真詮貫通蘊妙太素之秘法

盡以授之後遠遊川蜀訪道得掌心雷秘父見其
道心切遂捨田糧七碩入本堂資谷際我

太祖登位久侍天師入朝授神樂觀知觀尋陞五音都
提點時 太宗國亂遂歸授法於徒顏福淵吳嗣育
等作仙秩以示題圖像而化莖于本里之後源庵曰
紫雲

李德光字用昭饒之安仁人幼志軒揭屨科未第棄儒
崇道禮靈靖真人為師同修鍊於壁魯洞首創崇禧
觀隨師北覲宋徽宗問道稱旨封掌河南路道教勅
改額為崇禧宮陞本宮提點管諸宮觀事

龍虎山卷中

廿三

李謹修字德卿號見山金谿柘步人也崇禧道士幼資
明敏器度異人咸淳間制授明遠冲妙崇教法師掌
袁州大中祥符觀住持提點至元丙子欽取赴闕授
道錄司左正一任丁丑歲承詔護開創繁禧觀陞為
高士無領天下道教事

黃崇鼎字懋新號檜堂又號繼陽子金谿石厦里人也
崇禧道士不妄言笑博覽書籍宋咸淳間輔三十六
代真人北覲封掌杭州路御前西太乙宮提點至元
十三年陞冲素太師主教所文籍復歸冲素端靖弘
教大真人無領道教事先宋嘉興勅賜還宮創真元

周山碧明遠道士操履端方道法丕著欽授本山冲真
靜逸提點卒塋天蓬道院

王紹通字用之號圓嶠夫人撫之金谿萬石塘人即大
司徒王禹錫之後裔也奉西道士儒道兼顯有禱輒
應天順間欽取赴京賜冠珮劍法衣優厚力辭還山
上不允四十六代天師陳言取回山待以師禮論道
上復賜勅授贊教無掌真人府法錄局都提舉事

曹大鑪字希鳴仙隱道士夙以道顯洪武間奉使召赴
京賜號光嶽先生勅授道錄司左演法

太祖高皇帝勅曰經貯琅函法開洞府雖明真之一本

仍推太上之原豈徒搞术其形而已哉爾曹希鳴名
在丹室道德黃庭淵乎從道之心確乎吞氣之習官
擢演法功在談玄宜講論以加勤慕清靜而志道爾
尚啓迪後人追配前列毋曠厥職悉推其法庶不負
朝廷設官之意可學道者亦預有榮焉今特授爾道
錄司左演法尚休眷懷豈煩多訓故勅

操克弘從道佑勝顏福淵從道洞觀黃嘉祐從道繁禧
龔繼宗從道紫微宣德九年被召至內廷問對稱旨
俱授道錄司左至靈

宣宗皇帝勅曰老氏之道貴清靜無為其言有裨於治

理歷代簡用其徒以典教事示行道錄左至靈樞元
弘顏福淵龔繼宗黃嘉祐蚤遊方外志尚清虛擢任
厥職恭慎可嘉是用錫之勅命爾其益懋精進振乃
宗風以副榮命欽哉

張道虛東隱道士素以道法著名宋咸淳間欽取往錢
塘江治鹽精立効民賴以安建功於世者大矣感
上授都道錄不就力請歸復勅賜草亭先生終則
勅葬于本里之洪源

陳華山從道東隱出入造化鞭馭風霆而名聞于上太
元至正間欽取赴京勅授清靜五音功即知神樂
觀事榮歸尋卒

龍虎山志卷中

廿六

鄧景韶三華道士永樂間奉勅建謝恩醮授道錄司左
演法舊芝山堂天宇俞真人所建至是景韶繼述改
創扁為栖碧堂復賜御製詩并額

黃介通閩人崇禧道士儒道兩全有詩集傳于世
連克章金谿人從道浴仙行潔言寡名實相季成化十
六年赴召授道錄司左至靈十九年加授太常寺丞
尋陞太常卿二十年欽差采經書卒于京葬山田
張以仁貴溪人浴仙道士成化二十一年侍太常卿連
克章在京授道錄司左玄義終于京還葬山田

程理玄安仁人達觀道士弘治間授本宮提舉

劉光大紫微道士弘治間授本宮提舉

閔士誠鉛山人好道悉將家產入宮徒居本市夫婦皆

獲高壽至城門本宮以時祭祀

子伯芳洞觀堂道士道法顯著操行清高以道傳致一

真人邵元節追贈為弘範真人

皇帝制曰朕惟國家崇獎道教實資玄默之功陰相雍

熙之治故其徒亮精玄義著績王家者朝廷追贈其

師示渥恩也爾已故李伯芳乃清微闡教輔國妙濟

守靜修真凝玄衍範志默秉誠致一真人邵元節師

之師稟資端懿立志勤虔跡寄黃流隱名山而高蹈

心耽玄範抱貞一以修持顧能演教于徒効勞于國

祝釐禱祀良有明徵遺澤具存褒章宜錫茲特贈爾

為清微體玄演法養默凝神慕道修真安常弘範真

人錫之誥命於戲顯號寵頒懋恩光於不替宗風丕

振衍玄福於無窮爾靈有知尚其歆服

黃太初貴溪人達觀道士以道法授邵元節後追贈為

翊教真人

皇帝制曰朕惟道教之設上以陰翊皇度下以福庇生

民故其徒有能造詣精深闡揚教法者朝廷追贈其

師示殊寵也爾已故黃太初乃清微闡教輔國妙
守靜修真凝玄衍範志默秉誠致一真人邵元節之
師性資純朴器度深沉棲志玄門慎守冲默留心寶
錄妙契真詮顧其傳教得人益精玄範祝釐佑國裨
益弘多邇本推原宜加優異茲特贈爾為清微安恬
養默抱一履和守順凝虛體玄翊教真人錫之誥命
於戲佳名美號大增丘壘之輝重道崇玄式著王家
之典爾靈不昧尚克歆承

邵元節字仲康號雪崖安仁人從道仙源觀博覽經史
妙探道元嘉靖二年欽取赴京廷對稱

龍虎山志卷中 廿八

旨誥授清微闡教輔國妙濟守靜修真凝玄衍範志默
秉誠致一真人賜號泰和子賜八里皇庄勅建泰和
府以居之以其克保

聖躬祝生

皇嗣以安社稷復任禮部尚書一品服色俸給李撥
校尉供其役使十八年三月卒于京時

聖駕南幸訃聞哀悼不已贈少師謚文康榮靖命大學
士夏言撰碑吏部尚書許瓚撰志大學士顧鼎臣撰
校太和文集翊國公郭勛董刊賜祭十壇御製祭文
自內臣并文武大臣無不哀涕致祭勅差內臣崔文

舉

從六品

桂如金貴溪人仙源宮道士性行朴素操履自端嘉靖

十七年勅授道錄司左至靈兼本宮住持正七品

姜公望京師人仙源宮道士人文素雅通博古今嘉靖

十七年勅授道錄司左至靈兼本宮住持從七品

羅萬象京師人仙源道士克崇玄教超邁殊倫嘉靖

二十年勅授道錄司右正一僉書掌司事兼京師

玄福宮住持正六品

彭翼雲貴溪人仙源道士道行崇明儒書飽飫嘉

靖二十年勑授道錄司左至靈兼本宮住持正七品

帥定邦貴溪人仙源宮道士儒道兩諳十七年勑授道

錄司左玄議兼本宮住持正八品

已右自小溪始至此俱雪崖之裔也

王用佐安仁人浴仙道士雅飾惟道是崇嘉靖

丙申侍雪崖入觀

內廷上諭其忠誠即賜授八里皇左之玄福宮住持

余永壽貴溪人浴仙道士崇高道行經史道蘊靡

不精通嘉靖五年侍 湛然真人入觀勑授本府掌

書兼本觀住持

段文錦字縈練安仁人從道洞觀貌偉行潔雷秘心法

傳祖蔣顏之徹蓋有司鄉民求禱輒應成化間
上手勅召至京廷對授其具人府贊教賜禮部度牒
命給散經過寺觀僧道以榮還本山遂卒塋後源

傳同虛從道崇玄以道法著名洪武八年欽名授格神
耶五音都提點左正一仙官主領神眾觀事掌天地
壇事終則諭祭一壇勅塋本山

聶彥良崇玄道士成化八年誥授格神耶五音都提點
道錄司左正一仙官寵賚優渥以榮終

黃嵩明崇玄道士精於修鍊成化十年欽授道錄司左
玄議

桂景瑜號淡漠東隱道士克宗玄教素行端方至治初
勅授真人府贊教

周應瑜字垣夫號皆春奉西道士學問淵源道法兩顯
成化間勅授贊教法錄都提點明誠又節先生時與

韓都憲論道賡歌契如平生有皆春集詩文傳于世
張定漢貴溪人從道紫微嘉靖元年領具人府咨赴部

題選本宮提點陳言宮宇塌久乞恩新之蒙准差申
官曹玉益造壽卒塋漸浦

陶隱賢安仁人俗仙道士嘉靖初侍真人入朝舉授本
宮提舉復陳情申明舊制奏乞免差家准行江西有

司給帖優免至是宮次日清玄風三振

吳尚禮餘千人達觀道士同致一真人欽取授道錄司
左至靈尋陞左正一掌印卒于京歸葬

皇帝勅曰朕惟國家之教以清靜為門故必善養其靈
源精探乎至典乃能導迎和氣感格神明示徒屬之
表儀稱國家之崇尚爾上清宮道士吳尚禮賦資謙
順秉志清純跡蚤寄乎玄扃行實乎素履養和守默
專靜致虛福地焚修秉虔誠於夙暮靈壇致祝昭感
應于幽明玄典是諳清規允懋茲特陞爾為左至靈
無管道錄司事辦理朝天顯靈二宮齋醮文書錫之
勅命以示褒寵爾其大振宗風丕揚靈範永遂統緒
之効益昭報國之功茂對昌辰嗣膺殊寵欽哉
王時佐號獨峯安仁人達觀道士祖傳道法甚顯嘉靖
十一年奉勅欽取赴京授道錄司左正一尋陞高士
己亥卒于京差官護柩還山葬

皇帝勅曰國家設道錄之官以典厥教事故必持正以
存真抱一而安息乃克稱焉爾道錄司左正一無龍
虎山大上清宮住持王時佐蚤遊方外恪守清規積
有歲年修持罔懈茲特授爾斯職并賜以勅爾其益
勵精勤丕揚靈範以副朕簡擢至意欽哉

皇帝制曰朕惟玄元之教所以默相治功陰翊皇度也

崇奉之道古昔為然必高行之士乃克承之咨爾道

錄司左正一王時佐蚤寄流遠通玄教秉虔恭

夙夜探隱蹟於幽明孳以福國為圖惓惓惟祝

是務誠潔修持宜錫殊命今特封爾為清微闡範高

士爾尚律乃心精乃崇恪遵道範丕闡宗風欽哉

方定相號一山餘干人達觀道士警悟絕人操行純潔

邃為文學侍師祖王時佐欽取赴京

上愛其文雅善書授道錄司右至靈尋陞右演法樊大

用之尋卒于京馳驛還葬

張元明號天谷貴溪人達觀道士道精行潔嘉靖十

年欽取至部授本宮提點

傳德岩金谿人侍湛然真人入朝勅授本府贊教

邵啓南號小溪侍致一真人之京授太常寺丞

上諭其忠又諭其安靖尋陞太常少卿

徐世卿字嘉遜號朴軒從道東隱守玄悟道任本山副

宮敬上慈下才綽有為凡宮事剖決如流而無不公

誠瓊林之傑然者

童慶衍貴溪人三華道士處已待人凡行之不脩者

之以方事之不公者折之以公有裨

玄教任本府贊教

呂洞仙號赤石居士貴溪人從道子中方日中號隱雲鉛山人從道崇禋並時好學惟日於經書史鑑其不得其要領形諸吟咏卓乎出人意表志員而行方身安而心正循、雅歸有足尚者又並任本宮監臨敬以事上恕以待下廉以律心果以決事人皆稱之曰方呂齊名

鄧貴甫進賢人號溪山逸樂廉介自養不為流俗世慮所染琴書自娛為詩自成一家有藁傳世

朱俊卿金谿人浴仙道士精於道法素行端方凡遇歲旱累承司府請禱雷雨霑足本省布政本縣太守葉良佩漳州太守陳洪模南昌太守吳嘉聰廣信太守各具綵帛為文以旌之

李正芳邵文卿俱繁禧道士敏而有道介而有為嘉靖間相繼任副宮廉不苟直不阿處事有緒宮政克修

徐文燦貴溪人西隱道士任事副宮善於綜理克裨宮事

歐彥富安仁人叅玄守靜孤介亭言行忠敬道範精爽時已亥歲大旱金谿邑侯禮延禱之限三日雷

兩傾足結旂示應民咸恩之邑宰綵帛榮還任
真人府贊教號春山崇禧道士

宋守玄繁禧道士夏寅正仙源道士並侍湛然真人入
覲勅授本府贊教

宋天壽仙隱道士汪源濬明遠道士持身端謹素行信
人時並任本宮上座恭以待人勤以蒞事廣儲積
以彰廉贊宮治而齊禮時人咸稱稱職也

羅曰文字尚本號龍溪精思道士道範攸著嘉靖戊
戌歲河南伊王召至論道珍之筆文以贈後徽府召
至早禱雨輒應撰文以榮其還遂卒